

## БӨЛІМ: ЖАЛПЫ РУБРИКА

## Жүдеу жүрек

ЖАРИЯЛАНДЫ  
15.10.2024СІЛТЕМЕ  
https://bilimger.kz/166157/

Саған түсті ауыр жүк пен ауыр сын  
Алынбаған қамалдар тұр алда мың  
Аппақ қана жұмыр етім кірлеме  
Әзірше көп, бергенімнен алғаным  
Жабықтың ба жүрегім жалықтың ба  
Сезімдермен алысып қалып мұңға  
Қайғыра тұр қақың бар қажуға да  
Одан кейін жетерміз алып қырға  
Неге маған ренжисің жүрегім-ау  
Аз болса төңкерерсің жыр әлемін  
Бұлданып жырларыммен жырлаймын бір  
Жылаймын-ау көзіме жас келгесін  
Егер бәрі тыңдаса өз жүрегін  
Онда жұрттар бақыттырақ дер едім  
Әттең ақыл көнбейді ғой булығып  
Ал мен болсам жүрегіме сенемін  
Сезім ғой сау жүректі құртатын да  
Мұнша мұңмен жұлқынған жыр туар ма?  
Жетсе жетер шабытым қайғыруға  
Сол қайғыммен жүректі жырлатуға

**ҚМ АА** Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.